



Broj: 17-14-14866- 40
Sarajevo, 10.10.2018. godine

Na osnovu, člana 69. stav (2) tačka d) i člana 70. stav (4), a u vezi sa članom 111. stav (1) tačka d) Zakona o javnim nabavkama («Sl.glasnik BiH», broj 39/14) i člana 6. Uredbe o obrazovanju Stručne službe za zajedničke poslove Kantona Sarajevo («Sl. novine Kantona Sarajevo» br. 5/06 – Prečišćeni tekst), u skladu sa Rješenjem Ureda za razmatranje žalbi – Filijala/Podružnica Mostar broj: JN2-03-07-1-1153-9/18 od 27.09.2018. godine, u postupku javne nabavke ustupanja usluga dezinfekcije, dezinsekcije i deratizacije objekata Kantona Sarajevo, načelnik Stručne službe za zajedničke poslove je donio

ODLUKU
o poništenju postupka javne nabavke dezinfekcije, dezinsekcije i deratizacije objekata
Kantona Sarajevo

Član 1.
(Predmet Odluke)

Poništava se postupak nabavke ustupanja usluga dezinfekcije, dezinsekcije i deratizacije objekata Kantona Sarajevo pokrenut putem konkurentskog zahtjeva za dostavu ponuda, evidencijski broj: 17-14-14866 i obavještenjem o nabavci broj: 1230-7-2-59-3-43/18 od 17.07.2018. godine.

Član 2.
(Obavještenje učesnika u javnoj nabavci)

Ova odluka se dostavlja svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama («Sl.glasnik BiH», broj 39/14) (u daljem tekstu: *Zakon*).

Član 3.
(Objava Odluke)

Ova odluka objavit će se na web-stranici ugovornog organa www.sszp.ks.gov.ba, istovremeno s upućivanjem obavijesti ponuđačima koji su učestvovali u postupku javne nabavke, u skladu sa članom 70. stav (6) Zakona.



Obrazloženje

Postupak javne nabavke pokrenut je Odlukom o pokretanju postupka javne nabavke broj: 17-14-14866-24 od 17.07.2018. godine.

Javna nabavka je provedena putem konkurentskog postupka javne nabavke.

Ukupna procijenjena vrijednost nabavke iznosi 49.000,00 KM bez PDV-a.

Obavještenje o nabavci broj: 1230-7-2-59-3-43/18 objavljeno dana 17.07.2018. godine.

Tenderska dokumentacija objavljena je na portalu javnih nabavki dana 17.07.2018. godine.

Komisija za javnu nabavku imenovana je Odlukom o imenovanju: broj: 17-01-05-31300 od 20.10.2017. godine.

Krajnji rok za prijem ponuda bio je: 30.07.2018. godine do 11:00h, a javno otvaranje ponuda je upriličeno isti dan u Multimedijalnoj sali (Ul. Reisa Džemaludina Čauševića 1), sa početkom u 11:30h.

Komisija za javnu nabavku je rukovodiocu institucije dostavila Zapisnik o pregledu i ocjeni ponuda broj: 17-14-14866-32 od 02.08.2018. godine koji ujedno čini preporuku o izboru najpovoljnijeg ponuđača.

Na osnovu dostavljene preporuke Komisije, dana 06.08.2018. godine donijete su Odluka o izboru najpovoljnijeg ponuđača broj: 17-14-14866-33 za LOT 1 i Odluka o poništenju postupka javne nabavke broj: 17-14-14866-34 za LOT 2. Odluke su u skladu sa članom 71. stav (2) Zakona dostavljene svim ponuđačima koji su učestvovali u javnoj nabavci.

Nezadovoljan Odlukama, ponuđač "Sanacija 3D" d.o.o. Sarajevo u žalbenom roku blagovremeno izjavljuje žalbu na iste.

Usljed prijema izjavljene žalbe, Ugovorni organ obustavlja postupak predmetne nabavke Odlukom o obustavi postupka broj: 17-14-14866-37 od 15.08.2018. godine do trenutka rješavanja žalbe.

Dana 03.10.2018. godine, ovaj Ugovorni organ je zaprimio Rješenje Ureda za razmatranje žalbi, Filijala Mostar broj: JN2-03-07-1-1153-9/0/18 od 27.09.2018. godine kojim se djelimično usvaja žalba žalitelja "Sanacija 3D" d.o.o. i poništavaju Odluka o izboru najpovoljnijeg ponuđača broj: 17-14-14866-33 za LOT 1 i Odluka o poništenju postupka javne nabavke broj: 17-14-14866-34 za LOT 2., te ugovornom organu nalaže da okonča predmetni postupak u skladu sa stavovima Ureda za razmatranje žalbi iznesenim u navedenom Rješenju.

Shodno navedenom, ovaj Ugovorni organ cijeneći stavove i obrazloženja iznesene u Rješenju Ureda za razmatranje žalbi, konstatuje da ponuda prethodno izabranog ponuđača "IDS – Zdrava sredina" nije prihvatljiva, iz sljedećih razloga:

1. Ugovorni organ je tačkom 4. tenderske dokumentacije predvidio da je ponuđač dužan dokazati posjedovanje uspješno realizovanih ugovora ("referens listu") kroz posjedovanje i dostavljanje dokaza o uspješnoj realizaciji minimalno 3 ugovora u posljednje 3 godine (Za svaku godinu po jedan ugovor), iz oblasti ustupanja usluga dezinfekcije, dezinsekcije ili deratizacije (2015., 2016., i 2017. godinu), a čija pojedinačna vrijednost na godišnjem nivou mora iznositi minimalno 10.000,00 KM (bez PDV-a), u smislu člana 50. stav (1) tačka a) Zakona. Ponuđač IDS – Zdrava sredina" je na strani 25. ponude dostavio referenc listu, odnosno spisak izvršenih ugovora, dok je na stranicama 22., 23. i 24. dostavio 3 potvrde o uspješnom izvršenju ugovora, a koje se odnose na usluge koje je ponuđač izvršavao tokom

2017. i 2018. godine. Obzirom da je da ponuđač nije dostavio potvrde da je izvršavao predmetne usluge tokom 2015. i 2016. godine, iako je izričit zahtjev ugovornog organa bio da ponuđač mora dokazati da je za svaku godinu 2015., 2016. i 2017. uspješno izvršio po jedan ugovor, ponuda ponuđača se odbacuje kao neprihvatljiva u skladu sa članom 68. stav (4) tačka i) Zakona.

Ovaj ugovorni organ ostaje pri navodu o neprihvatljivosti ponude ponuđača „Sanacija 3D“ d.o.o. navedenim u Odluci o izboru najpovoljnijeg ponuđača broj: 17-14-14866-33 za LOT 1 i Odluci o poništenju postupka javne nabavke broj: 17-14-14866-34 za LOT 2, iz razloga što nije dostavio potpisane nacрте ugovora u skladu sa tenderskom dokumentacijom, te je ista odbačena kao neprihvatljiva u skladu sa članom 68. stav (4) tačka i) Zakona.

Kako su u predmetnom postupku obje ponude ocijenjene kao neprihvatljive, ovaj Ugovorni organ vrši poništenje predmetnog postupka za LOT 1 i LOT 2 u skladu sa članom 69. stav (2) tačka d) Zakona.

Na osnovu gore navedenog, odlučeno je kao u dispozitivu ove Odluke.

POUKA O PRAVNOM LIJEKU:

U skladu sa članom 101. Zakona, protiv ove Odluke može se izjaviti žalba ugovornom organu, najkasnije u roku od 10 (deset) dana od dana prijema ove Odluke, na način propisan članom 99. Zakona.

Pripremila: Azra Sipović
Kontrolisao: Sedin Kozadra

Dostaviti:

1. Ponuđačima
2. a/a

